

GONJA

Year 1

KABA

5

KASIBƎBIRABARSO

NGBAR NƐ KUMOBƐ KETA N SHUƆ

Ngbanyato be kesibɛ be mbra

KASOTOFUTI

Kaba ere bee kenito Kasibɛbirabarso be ntunso nna. Kasibɛbirabarso la kenyikpra nna n sa Ghana be ngbarana nɛ kasobii pɔtɛana kike fane Mbronito.

Ta n ya fo kumuba ere be lalaluwe, feenji tiŋ:

1. Sibe keshejkute be Kasibɛbirabarso.
2. sibe kedelgeso be kasibɛbirabarso
3. sibe kebuwiasheŋto be kasibɛbirabarso.

Kasobiikpra

- Kasibɛbirabarso la kasibɛ monɛ ku bee lara keshej ko nko keshejtirso ko efuli nna.
- Feenji bii kasibɛbirabarso be ntun sa mfa:
 - o Keshejkute la kasibɛ tenten be kesherkpanj sibesoo nna nɛ ku bee be keshejkute be kapɔrto be ekpa so a lara esa be mfera efuli.
 - o Kedelgeso be kasibɛbirabarso la kasibɛbirabarso be katun monɛ ku bee shine ebiipo bee delgeso/folwe kusɔ so nna: kusɔ, esa, kabonj, mfera, kagbene be afeso nɛ adamta.
 - o Kebuwiasheŋto be kasibɛbirabarso la kasibɛbirabarso monɛ ku bee buwito nko a delge kusɔ so nna. Ku bee buwito kumu na, ekpaana nko lakal to be ashej nɛ a bee lar anishi nɛnɛ.
- Kasibɛbirabarso kama ko kumo nawule be kapɔr nɛ ayabi nna.

APUNTOSO

Anye daŋ malga kumu ere be aŋeŋ ko kaba mo na to. Feeŋ tiŋ nyiŋi kusɔ nɛ ku la kamalgafolmu aa? Mane ela kamalgafol chɛtopo?

Sibe fobe atuwebi n nase fo kaŋ bir fo barkasa kilijima n luwe.

Naniere ta fobe atuwebi na n kasar atuwebi mone a wɔ kaseto ere.

KAMALGAFOLMU

Kamalgafolmu ela kamalgafol mone ku bee buwito keshɛŋtirso na so ashi kato na to. Kamalgafol chɛtopo ela kamalgafol mone ku bee chɛto a buwito keshɛŋtirso na so.

Kasibɛbirabarso

Agoni kpɛ ko e daga nɛ fo baa ko n tiŋ sibe kasibɛbirabarso lɛla. A daga fo ka nase fobe aŋeŋtirso na nɛnɛ nɛ nto. Feeŋ wɔrɔ le nɛ kebaa ta abɔaya mone a duli a bar n wɔtɔ katuŋ koŋwule to, kekute esoso/chipurso be aŋeŋ pɔɛ kaseto/kanyiso, a lara kashinteŋ efuli, akasar asɔ abar nɛ adamta.

Kasibɛbirabarso la kasibe mone ku bee lara keshɛŋ ko nko keshɛŋtirso ko efuli nna. Kasibɛbirabarso kama bee buwi keshɛŋtirso ko so nna.

Kasibɛbirabarso be ntuŋ sa be aŋeŋ nɛ anye been ji mfa n fara nɛ keshɛŋkute be kasibɛbirabarso.

Keshɛŋkute be kasibɛbirabarso

Keshɛŋkute la kasibe tentɛŋ be keshɛrkpaŋ sibɛso nna nɛ ku bee bɛ keshɛŋkute be kapɔrto be ekpa so a ta kumu ko a lara esa be anishi be awuso efuli. Ku been tiŋ ala kashinteŋ nko eƒɛ. Saŋɛ damta esa koŋwule be katilemu nɛ ku bee ta a shuŋ. Saŋɛ choŋso be mmalgaba nɛ alakalfoni nɛ kamalganyi be apɔrsobi gba la asɔ nɛ a bee chɛto nna a pɛ esa be lakal a wɔtɔ keshɛrkpaŋ na to.

Keshɛŋkute be kasibɛbirabarso be amu ko nde:

- Sibe keshɛrkpaŋ ta n laŋɛ fo sososo be sukuru be keyɔ be kache be aŋeŋ.
- Sibe keshɛrkpaŋ ta n laŋɛ fobe ewushi be saŋɛ mone fo maan teŋso.
- Sibe keshɛrkpaŋ ta n laŋɛ fobe kanye/kusɔwɔrɔso mone fobe kagbene fuli ga so.

- Sibe kesherkpaƚ ta n laƚe kusɔ bla bomin mone fo bii ashi kusone fo wɔrɔ n jaje ko be kabaso.

Kushuƚ 5.1

Kunyɔnyɔto/ntuƚso be kushuƚ: Sibɛ kamalgafolmu nɛ mmalgafol chɛtopo anyɔ ta n laƚe kumu ere be kabaso; kakurweachɛ be kamuji.

Kushuƚ 5.2

Kraƚ keɔaya mone ku wɔ kaseto ere n shin ta fo gbagba be mmalgaba n sibe keshenkute be kasibɛbirabarso be kapɔr.

<https://open.library.okstate.edu/internationalcomposition/chapter/unique-characteristics-of-the-narrative-essay/>

Ntuƚso be kushuƚ: Bɛ kusɔ mone fo bii na so n delge kusɔ nɛ fo tama fane fo ka beɛƚ wɔrɔ n sibe ntoo nene.

Keshenkute be kasibɛbirabarso be kapɔr.

Keshenkute be kasibɛbirabarso kɔ kapɔr mone ku bee che fo to nna nɛ fee sibe fobe kasibɛbirabarso nene.

Kraƚ keɔaya ashi kebor ere so

<https://mhcc.pressbooks.pub/app/uploads/sites/31/2021/07/Narrative-Essay.pdf>

Kushuƚ 5.3

Ntuƚso to, menye e bir kelijima ta n laƚe kusɔ mone fo kraƚ na so.

Ta fobe kusɔ mone fo bii kakraƚ na to na n kasar keshenkute be kasibɛbirabarso be kapɔr ere. Kapɔr na ela kasotofuti, apuntosɔ nɛ lalaluwe.

Kasotofuti

Kenishi denji: fara nɛ mbishi, asɔ be kɔnɔ nko kamalgafol mone ku bee bra baasa be lakal kesherkpaƚ na so. Kawol na be abɔaya dagaso mone bekrampo na daga ku pin. Kamalgafol mone ku kɔ keshɛj tinini na gba bee danɛso nna.

Apuntosɔ be nto

Mfa nƐ keshɛnkreso monɛ ku bee chɛto a buwito kamalgafolmu na to bee lar efuli.

Saɲɛ monɛ keshɛrkpaɲ na wɔrɔ nƐ keshɛnkreso na kike bee buwito mfa nna.

Kato kama daga nƐ ku fara nƐ kamalgafolmu nna n shin luweto nƐ kamalgafol chɛtopo monɛ ku bee cheso kato bɛsɛpo na to.

Lalaluwe

Lɔɲɛ m palto kamalgafolmu na to.

Lɔɲɛ m palto asheɲ kpra na to.

Sibe kamalgafol monɛ ku beɛɲ duwɔso kasibɛbirabarso na kike so.

Kushuɲ 5.4

1. Kunyɔnyɔto/ntuɲso to, menye e sibe asɔ monɛ a daga a ka wɔ keshɛnkute be kasibɛbirabarso be kapɔr to n shin bir amobe kelijima.
2. Ntuɲso to, menye e lɔɲɛ n sibe nto asa be keshɛnkute be kasibɛbirabarso ta n laɲɛ kachegboɲ mo to nƐ fo yɔ. Kraɲ n sa fo braana ebiikpa nƐ menye e tise amo to.
3. Ntuɲso to, menye e kraɲ kebɔaya monɛ ku wɔ kaseto ere n shin tisetɔ kato kama be keshɛnkreso nƐ ekpa monɛ esibɛpo na ta m bra ekrampo na be lakal keshɛrkpaɲ na to.

N fara mabe yunivasiti n ya luwe, mee jigi nɛnɛ ga mabe nsulwe to. N nio la yunivasiti be enimu gboɲ nna nƐ ma tuto la eɲinipo, amoso kakraɲ daɲ deɲ ma mabe kebia to kike nna. Ta n ya fo mabe Junior High sukuru, n daɲ laɲɛ kaman cheche nƐ nsulwe monɛ ku la kenishipre peya monɛ n daa jigi nɛnɛ ga.

Kaman be kelaɲɛ

Kananɛ ku daɲ wɔrɔ ma nna na

N too n nawuraana jaga fɔɲfɔɲ ma kumu. Kufuu nƐ kebilsɪ be kebaɲso, n fɛ mferɛ kache na kike a bishi kananɛ le be kebawɔtɔ beɛɲ tɔrɔ ma echefoso be kekraɲ n yɔ kufɔ to. Mabe kapɔr ere beɛɲ tiɲ yunivasiti be kushuɲ kpakpaso ere aa? Pɔɛ nƐ n tɔr cheche, n ya fin kayurwushi nna ashi n nawuraana nƐ lakalsapo kutɔ. NƐ bumobe kabɔrɛkule nƐ kenunsa, bu gberge ma n ler asheɲlubi to nƐ n wu fanɛ asheɲ beɛɲ nyalɛ nɛnɛ n sa ma.

Kashintɛn, kaman laɲɛ nsulwe kpɔa to bee baɲɛ kumu ama meɲɛ tiɲ wɔɔ kenishipre n fin ɛɲinipo mabe sukuru be keyɔ kike to, n kuɲ kumobe kelaɲɛ n wɔɔ n shin naɲ ɲin ma n sulwe be abii/amaki na n di esoso ashi ebiikpa be ebuto.

N wu fanɛ kaman be kelaɲɛ daɲɛ anyebe kebawɔɔ so nna ama kananɛ anyee shuli n sa kumo e naa ɲini anyebe kekɔ m pɔso. N naɲ bii kefin kechetɔ baasa pɔtɛ kutɔ be tɔnɔ. Ma nɛ mabe ɛɲinipo be kakraɲ to, n tiɲ n nu m pinto kasɔbii na to nɛnɛ n ɲin mbii/amaki na n di esoso. N ta n tiiso, n naɲ bii kanyiti ta n laɲɛ kabolar/tɔɔ ka tu fo be kapliɛ so hali nuso nɛ kabolar na sa. Le be adabi shine n nye lakal ta n laɲɛ ma sukuru gboɲ to be keyɔ n shin chɛto nɛ n kii esa monɛ n la kabre ere. N chɔɔ Ebɔrɛ nɛ lakal monɛ m bii na to nɛ kumu lɛla monɛ n nye tɔɔ ere be kaman.

Kedelgeso be kasibɛbirabarso

Manɛ ela kedelgeso be kasibɛbirabarso?

Ku la kasibɛbirabarso be katuɲ monɛ ku bee delge kusɔ ko so fanɛ: kusɔ, esa, kabon, kagbene be afɛso nɛ lakal be ekpa, nɛ fo wu kusɔ na nɛnɛ. Kedelgeso be kasibɛbirabarso daga ku ka dese nna nɛnɛ, a buwi asheɲ to nɛ eyur be amalgasɔ be ngbar, a bra ekrampo na be lakal kebɔaya na to.

kedelgeso be kasibɛbirabarso be kapɔr

Kedelgeso be kasibɛbirabarso be kapɔr du nna fanɛ nsibɛbirabarso monɛ anye tiɲ n bii na.

Kasotofuti: kede bee fara nɛ kesheɲ monɛ kasibɛbirabarso na bee sa nɛ ku ji kumobe asheɲ nna. Kenishi deɲi fanɛ mbishi muluɲ bee chɛto nna a bra ekrampo na be lakal kebɔaya na to.

Apuntosɔ be nto: Mfa nɛ kesheɲkreso monɛ ku bee chɛto a buwito kamalgafolmu na to bee lar efuli. Kamalgafolmu na daga ku ka buwito kato kama be kesheɲkreso na n shin bra ekrampo na be lakal kebɔaya na to. Kato pupɔr e daga ku buwi saɲɛ kama nɛ fo bra lakal pupɔr.

Lalaluwe: Bee palto kesheɲ tinini na nna ashi sososo be kato na to n shin buwito abɔaya monɛ anye kraɲ apuntosɔ be nto na to.

Kedelgeso be kasibɛbirabarso be amu ko nde:

- Kedelge epel/vidiyo shaso so
- Kedelge kayurwushi nɛ kashintɛn ji be lakal so.

- Kedelge kawol/buuku monɛ fee sha ga so.
- Kedelge fobe sososo be efuli pɔtɛ be keyɔ so.
- Kedelge fo teri/nekpa kpakpaso so.

KushuƆ 5.5

1. Bɛ kusɔ monɛ fo bii na so n ƚinito kusɔnɛ ku la kedelgeso be kasibɛbirabarso. Nuso nɛ kumo nɛ keshɛnkute be kasibɛbirabarso kɔr abarto?
 - a. Naniere bulɔ kebor ere so n keni vidiyo ere n shin kraƚ amuba na n shin chigeto kusɔnɛ fo peshe ta n laƚɛ kedelgeso be kasibɛbirabarso be kapliɛ na n sa fobe katuƚɛbi.

A descriptive essay - Search (bing.com)

Kedelgeso be kasibɛbirabarso be kapɔr/ayabi e wɔ kaseto ere

- Nɔbar na daga a ka buwito nɛnɛ n sa ekrampo na. Nɔbar monɛ e ta n shuƆ na daga ku ka liɛ keshɛƚtirso na nna.
- Ta alakalfoni nɛ kamalganyi be apɔrsobi n shuƆ. Kede bee ƚini fanɛ esibepo na ta atankargaso, adulwiso, ketanyili n sa malga nɛ adelgeso a lara keshɛ tinini na efuli a sa ekrampo na.
- Lara mmalgaba monɛ a daga a ka bee sa ekrampo na lakal monɛ e maan tɛƚso.

KushuƆ 5.6

Kraƚ ekpaana ere monɛ feeƚ bɛso n sibɛ kedelgeso be kasibɛbirabarso;

1. Sososo, megito fobe kumu na to n shin buwito kumo nɛ fobe lakal be ekpaana, chala fobe abɔaya monɛ fo tama fanɛ feeƚ ta n shuƆ.
2. Kunyɔsɛpo, tol fobe kasibɛ na, sibɛ fobe abɔaya na be asheƚtirso na be amu nawule n shin peshe kananɛ feeƚ buwi amo kebeso kebeso to.
3. Kesasepo, sibɛ fobe nto kama be kamalgafolmu n nase.
4. Lalaluwe, laƚɛ n kraƚ kumo nɛnɛ. Loƚ beeƚ che fo to nɛ fo wu kaboler be mboƚ n tise amo to.

Fee naŋ tiŋ ta ekpaana ko n tiiso aa? Ekpa ana ere be kumo ne fo wu fane ku daga ne fo ta n sibe kedelgeso be kasibebirabarso lɛla?

Kushuŋ 5.7

1. Ntuŋso to, menye e sibe nto asa be kedelgeso be kasibebirabarso ne kumu ere “Ghana be agbemfu be kanane a du” n shin delgeso ekpaana mone a che fo to ne fo sibe kumo nene. Blase n ta fobe kasibebirabarso ne ekpaana na n ŋini fo braana ebiikpa to.
2. Ta ngbar mone a wɔ kesheŋkute ne kedelgeso be nsibebirabarso to n kasar abar. Ta fobe atuwebi na n ŋini fo braana ebiikpa to.

Kebuwiashento be kasibebirabarso

Kebuwiashento be kasibebirabarso bee buwito kumu na nna a sa ekrampo na; Ku bee buwito/delgeso kumu na be asheŋ nene nna a sa ekrampo na.

Kebuwiashento be kasibebirabarso be kasibe be ekpaana

Kesibe kebuwiashento be kasibebirabarso lɛla nene daga ne fo pinto kasobii na be kumu na nna.

kebuwiashento be kasibebirabarso be amu ko nde ne ban tiŋ sa fo:

1. Maneso ne adaga baasa e ba kraa yɔ esoso be kashenkeni to?
2. Dinito mfera be alemfia be tɔnɔ.
3. Buwito nene kedibikuu/kupuŋcho be jerbe/tɔrɔ.
4. Kanane afuuto be abɔaya bee tɔrɔ nko a che kakraŋ to.

Ne fo baa sha kesibe kebuwiashento be kasibebirabarso, adaga ne fo be ekpaana ere so na;

- a. Kraŋ fobe mbishi na be kumu na nene.
- b. Beta n kraŋ fobe kumu be atuwebi na. Wɔrɔ m bishi fobe eninipo ne e buwito kumo to nene n sa fo n de ne fo kra sha kecheto nna na. Lɔŋe n kraŋ kumu na be asheŋ nwol to nko afuuto be kebor to n de ne fo kra sha abɔaya damta nna na.
- c. Barga fobe kushuŋ na to ntun wurbi to
- d. Tol fobe kasibebirabarso na ne ku ŋini fo kanane feeŋ sibe kumo. Keni kaseto ere

- e. Sibe kamalgafolmu na gberibi, n shin fara kumo nƐ kasotofuti lƐla.

MfƐra be kushuƆ: Fa ka kraƆ ekpaana mone feeƆ beso n sibe kebuwiasheƆto be kasibebirabarso lƐla na, nuso be agoni nƐ fo tama fane a beene che fo to nene nƐ fo blase?

KebuwiasheƆto be kasibebirabarso be kasibe be ekpaana/kapƆr

KebuwiasheƆto be kasibebirabarso be kasibe be kapƆr e wƆ kaseto ere na.

Kasibebirabarso na be kasotofuti

Buwito fobe kumu na to gberƐ n shin sibe fobe kamalgafolmu mone ku bee duwƆ fobe keboaya na kike so.

ApuntosƆ Ku bee ka la nto asa nna ama ku bee kaa cho loƆ kasibe tentƐ to. Mfa nƐ fee buwito kumu na be kesheƆwƆrƆ nƐ kesheƆkreso na to nene. Kato kama daga ku ka kƆ lakal tinini koƆwule na. Kede e naa cheto nƐ kasibebirabarso na be kesheƆtirso bee buwito nene n shin naa be ekpa so. A daga fo kaa bee ta kato kama nna a beta a lie kasotofuti be kamalgafolmu na.

Lalaluwe

KebuwiasheƆto be kasibebirabarso be keluweto bee duwƆ kumu na kike so nna. Lalaluwe na bee duwƆ kasibebirabarso na kike n kii kekoƆwule. Kumo e naa Ɔnito lalaluwe kamalgafolmu nƐ apuntosƆ be nto na be lakal be ekar.

KraƆ afuuto be kebor mone ku wƆ kaseto ere n shin bir kebuwiasheƆto be kasibebirabarso be kapƆr be kelijima kunyƆnyƆto/ntuƆso to.

<https://www.quora.com/What-are-the-characteristics-of-an-expository-essay>

KushuƆ 5.8

1. Dinito kusƆ nƐ ku la kasibebirabarso. Ta fobe atuwebi na n Ɔnini fo braana ebiikpa to.
2. NtuƆso to, menye e kraƆ kasibebirabarso be akeniso ere n shin pin kebuwiasheƆto be kasibebirabarso be kapƆr to. Ta fobe atuwebi na n Ɔnini fo braana ebiikpa to.

<https://assets.myperfectwords.com/blog/expository-essay/expository-essay-examples/expository-essay-example-grade-7-pdf.pdf>

3. Ntuŋso to, menye e buwito ekpaana monɛ a daga a ka wɔ kebuwiasheŋto be kasibɛbirabarso be kapɔr to. Ta fobe atuwebi na n ŋini fo braana ebiikpa to.
4. Sibɛ nto asa be kebuwiasheŋto be kasibɛbirabarso nɛ kumu ere “Maneso nɛ adaga baasa e ba kraa yɔ esoso be kashɛŋkeni to?” n shin ta kumo n sa bebiipo ko ashi ebiikpa pɔtɛ nɛ bu punpuŋ kumo to kakpa monɛ ku maŋ niŋi ekpa.
5. Ntuŋso to, ta kedelgeso nɛ kebuwiasheŋto be nsibɛbirabarso be kapɔr to n kasar abar. Ta fobe atuwebi na n ŋini fo braana ebiikpa to.

Kepalto Be Mbishi

1. SibƐ kato koŋwule be kesheŋkute be kasibebirabarso n shin pin kamalgafolmu nƐ mmalgafol chetopo na to.
2. NƐ fo gbagba be mmalgaba, buwito kuso nƐ ku la kesheŋkute be kasibebirabarso
3. Sa aboaya nene kanane feeŋ sibƐ kumu ere “kusone maan tenso kike ashi mabe nkpa to” n kii kesheŋkute be kasibebirabarso lela.
4. Dinito kesheŋkute be kasibebirabarso be kapor so. Ta fobe atuwebi na n ŋini fo braana ebiikpa to.
5. SibƐ nto asa be kasibebirabarso nƐ kumu ere “*kanyiŋi be enite mone maan tenso?*” n shin ŋinito kesheŋkute be kasibebirabarso be kapor mone fo sibƐ na. Pin mmalgafolmu na kato kama to.
6. SibƐ kasibebirabarso nƐ kumu ere “*Mabe sukuru be kedelgeso*”. Saŋ kaŋ tenso nƐ kelara efuli kasibebirabarso be ekpa nƐ kumobe kapor.
7. SibƐ nto asa be kedelgeso be kasibebirabarso nƐ kumobe kumu e baa la “*ma teri/nekpa kpakpaso ashi durnyan kike to*”. Baa nyiŋi nene a ta kedelgeso be kasibebirabarso be kapor a shuŋ.
8. Mane ela kebuwiasheŋto be kasibebirabarso?
9. SibƐ nto asa be kebuwiasheŋto be kasibebirabarso nƐ kumobe kumu e baa la “*kedibikuu/kupuŋchɔ be jerbe/torɔ*”. Kenito kanane ku dese nƐ kumobe kapor to.
10. Ta kesheŋkute nƐ kebuwiasheŋto be nsibebirabarso n kasar abar. Lara amobe nduli nƐ mbarga efuli.

Kepalto Be Atuwebi

Kepalto be mbishi be atuwebi ko:

1. Kato koŋwule be kasibebirabarso be kekeniso ko nde

Yiri kama kɔ bumobe adaŋkare be ncha nna, kacha kama kɔ kesheŋwɔrɔ mo to ne baa cha amo nna. Ncha na be ako la keli, kamuji, asherkpaŋ, kekpaŋ ne kabɔreshuŋ to be ncha nna. Ncha damta e wɔ Ghana be agbemfu kuduashe na kike to, ne baa cha amo saŋesaŋe fɔŋfɔŋ ncheŋboŋ nko kesheŋwɔrɔ fane keli, kekil, kamushe ne adamta. Baa cha amo nna a deŋi anishi n naa buwi baasa be lakal to. (fane ‘Gome’ be kacha, mone Nkraŋ bee cha ashi Accra Homowo be kacheŋboŋ na to mbroni be kufol August to na). Ncha na be ako ela, kpalongo Nkraŋ be kacha, Agbadza Mbɔtɔ be kacha, Adowa Mboŋ be kacha, Bamaya Nwɔŋ be kacha, Gaŋgaŋ, Gobi, kpaana Ngbanya be ncha ne adamta. Ncha damta wɔtɔ Ghana to n sa yiri kama ne kanane a lar.

Kamalgafolmu na ela, Yiri kama kɔ bumobe adaŋkare be ncha nna, kacha kama kɔ kesheŋwɔrɔ mo to ne baa cha amo nna.

Mmalgafol mone a ka na kike la mmalgafol chetopo nna

Alerkpa: https://en.wikipedia.org/wiki/Culture_of_Ghana

2. Keshenkute la kasibe tenten be kesherkpaŋ sibeso nna ne ku bee be keshenkute be kapɔrto be ekpa so a ta kumu ko a lara esa be anishi be awuso efuli.
3. Nkpal kumu na so, adaga fo ka tol kasibebirabarso na nna n shin ta esa gbagba be ntilemu a shuŋ, lakal daga a ka bee be abarso n shin naa kɔ kenishi deŋi mone ku bee bra lakal kumo to.
4. Keshenkute be kasibebirabarso be kapɔr ela kasotofuti, apuntosɔ ne lalaluwe. Bebiipo na e ŋinito nene kumobe kapɔr na.

Atuwebi na been be bebiipo na be kasibebirabarso mone baŋ sibe na to so. Kekeniso ko nde:

kanyiŋi be enite be kasotofuti

Enite been tiŋ a la fane kumusaŋe be kabon mone ku bee ta fo a lar fobe tarukama be kebawɔtɔ be kesheŋwɔrɔ to. Ku bee sa ekpa nna ne fee pin

mboŋ pupɔr nɛ baasa pupɔr. Enite koŋwule monɛ maan tiŋ n teŋso ela ma nɛ mabe kanaŋ ka yɔ abeeso.

Abeeso be enite

Enite na fara kachipurdidi nna. Anye bala anyebe ekuloŋ, ajibi, asɔbuuso nɛ amfoni be kusɔ nɛ anyeeŋ ya ta n kuu amfoni. Ekpa na daa wɔ kufɔ ama ku daŋ wɔrɔ ebel. Anye pel epelwurbɪ a boŋ nshɛ. Anye ka bee tagato abee na a keni tokoroto, kaboŋ na baa wale nna. Ndibi tentɛŋ nɛ agoro afitiri bumboŋ baa wɔ kapliɛ kama nna. Ku daa du nna fane anye ka far a luri amfoni to na.

Epel be asɔwɔrɔso

Anye ka fo anyebe ediikpa, ekama be kagbene daŋ fuli nna. Nchɛ gberɛ monɛ a bɛso na kike daa la epelshɛŋ nna. Anye ta ekuloŋ a nite nchu na so n wu nchu ka shi kebee so a worge to. Anye daŋ wu kupoŋto be asɔbɔaya ko nɛ a wɔ kufɔ gberɛ nɛ anye. Kumobe ebel gbagba ela ku baa china a mata edɛ kanyiso, a tɔ aboyu n saa ji asherkpaŋ.

Enite na be lakal monɛ m bii

Enite na ŋini ma asɔ damta. M bii kananɛ baa keni Ebɔrɛ be asɔtooso a bulɔ kenishi nɛ kananɛ ku daga kenye saŋɛ n sa fobe kanaŋ. Ku ŋini ma fane manɛ enite gboŋ nawule a wɔbel n saa kɔ kanyiŋi. Saŋɛ ko, kebaa wɔ abar kutɔ nɛ kusɔ pupɔr be kabii gba nawule kukwe nna.

Lalaluwe

Kenite n yɔ abee to na la kesheŋ monɛ meeŋ ba nyiŋi saŋekama nna. Manɛ fane asɔ lɛla monɛ n wu na nawule, ama amushe nɛ kasha monɛ anye daŋ sa abar na. Ku daŋ ŋini ma fane kesheŋ kpra monɛ fo maŋ teŋso be ebel ela fo ka wɔrɔ kumo nɛ kanaŋ/beteri.

Kasibebirabarso be kekeniso ko e wɔ esoso na a ŋini kananɛ kesheŋwɔrɔ na wɔrɔ m be abarso ashi amu monɛ a nyɔ na to.

5. Kananɛ feeŋ delge mabe sukuru so be kekeniso/ekpaana ko nde

Ashi kasotofuti na to: sukuru be ketere nɛ kumobe kaboŋ monɛ ku wɔ, kechetɔ monɛ ku wɔ sukuru na to a chɛ fobe kabla to nɛ adamta.

Apuntosɔ be kato: Sukuru be kedelgeso, sukuru be kananɛ ku yil, ebuana nɛ ebiikpabu, kumu nko kaba monɛ fee bii, kasɔbii be bushi, asɔpɔtɛ monɛ a daŋɛso, beŋinipo nɛ sukuru be bejunkparpo, bebiipo, bebiipo be ntuwurbi monɛ a wɔ sukuru na to a chɛ fobe kabla to nɛ adamta.

(Kede beej tiƚ ala fanƐ nto asa)

Lalaluwe: Maneso nƐ fee sha sukuru na, maneso nƐ sukuru na do kumo braana kumu. Sukuru na be kechetɔ monƐ ku kɔ n sa fobe nkpa?

6. Atuwebi na beej ba kɔr abarto. Ta kebor ere n kasar fobe kedelgeso be kasibebirabarso na.

<https://www.knockholt.kent.sch.uk/attachments/download.asp?file=641&type=pdf>

7. Ku la kasibebirabarso monƐ ku bee folweso nko a delge kusɔ so nna. Ku bee buwito kumu na, ekpaana nko lakal to be asheƚ na a sa ekrampo na nƐ a bee lar anishi nene.
8. Atuwebi na beej ba kɔr abarto. Ta kebor ere n kasar fobe kushuƚ na.

Kasotofuti

1. Fo ta mmalgafol fanƐ 2-3 n fara fobe kumu na aa?
2. Fo fara fobe kumu na nƐ mmalgafol chetopo aa?
3. Fobe mmalgafol chetopo na lie fobe kumu na nene aa?
4. Fobe kamalgafolmu na dese nene aa?
5. Fobe sososo be kato na kɔ kayelga a pe ekrampo na be lakal aa?

Apuntosɔ

1. Fo sibe kato n sa fobe nto 3-5 be kekama aa?
2. Fo buwi fobe keɔaya na to nene kato kama be sososo aa?
3. Fo ta kashinteƚ n cheto n shuƚ kato kama to aa?
4. Fo ta lalaluwe be keɔaya n shuƚ kato kama be lalaluwe nƐ ku cheso n yɔ kato nyɔsepo to aa?

Lalaluwe

1. Fo lɔƚe m palto fobe kamalgafolmu na aa?
2. Fo tiƚ luwe nƐ keɔaya monƐ ku par ekrampo na nene aa?
3. Fo wɔrɔ keduwɔso n sa esoso be nto na aa?

Amo kike:

1. Fobe kebuwiasheƚto be kasibebirabarso na tiƚ delgeso nene fobe kumu na n sa ekrampo na aa?
2. Fo ta mmalgaba monƐ a bee sa abɔaya nƐ mfera n shuƚ aa?

3. Fobe nto na kike lie fobe kumu na aa?
4. Fo tiŋ pɛ fobe ekrampo na be lakal aa?
5. Fo tiŋ yege keɔaya belbelso ko n sa fobe bekrampo na aa?
Alerkpa:<https://palmspringsmiddleschool.net/wp-content/uploads/2013/12/ExpositoryWritingChecklist.pdf>
6. Mbarga nɛ nduli monɛ a wɔ kesheŋkute nɛ kebuwiasheŋto be nsibɛbirabarso to.
 - a. Kesheŋkute be kasibɛbirabarso been tiŋ a la keshɛrkpaŋ be keji ama kebuwiasheŋto be kasibɛbirabarso bre la kedelgeso nna kumobe kapɔr to.
 - b. Kebuwiasheŋto be kasibɛbirabarso la kashinteŋ monɛ ku bee buwi asheŋ to nɛnɛ nna ama kesheŋkute be kasibɛbirabarso bee ta ngbar nɛ mmalgaba yoyul nna a shuj
 - c. Kebuwiasheŋto be kasibɛbirabarso to aɔaya na bee bɛ abarso nna kananɛ ku daga ama kesheŋkute be kasibɛbirabarso bre ma kaa bɛso loŋ.
 - d. Kesheŋkute be kasibɛbirabarso been tiŋ a la kashinteŋ nko efe ama kebuwiasheŋto be kasibɛbirabarso bre la kashinteŋ nawule nna.
 - e. Kebuwiasheŋto be kasibɛbirabarso nɛ besibepo kɔ a sibe sukuru to be abuku n saa kɔ kesheŋkute be kasibɛbirabarso male a sibe asheŋkpaŋ wurbi.

NWOLCHETOPO:

- *Ackley, E. et al (1986) Macmillan English 12 Macmillan Publishing Company 886 Third Avenue New York, NY 10022*
- *Crew, F. (1987), The Random House Handbook (5th Edition) McGraw. Hill Publishing Company New York*
- *MacGraw Hill, G. (2000) Grammar and Composition Handbook McGraw-Hill Publishing Company*
- *Grieve D. W., and Pratt, K (1971), Certificate English Language, Western Printing Service Ltd., Bristol*
- *Herfferman, A.W and Lincoln, J.E. (1982), Writing, A College Handbook, Third Ed. W.W. Norton & Company Inc. London*
- *Marius, R. & Wierner H.S. (1988), College Handbook (2nd edition) The McGraw – Hill Publishing Company*

KEKRAŊ N TIISO

- *Kraŋ n nya kenyi ndaŋe so <https://www.grammarly.com/blog/expository-essay/>*
- *Denenga, M. S. (2019). *Writing Mastery: Expository Essay: Expository Essay*. Munaii*
- *Josephine, E. (2020). *Narrative Essay* <https://doi.org/10.13140/RG.2.2.29485.03041>*
- *Lee, K. (2020). *How to write great essays*. Calvin Lee*
- *For more on narrative essay*

https://www.researchgate.net/publication/338778494_Narrative_Essay

- *Kraŋ n pinto nene ndaŋe so <https://myperfectwords.com/blog/descriptive-essay>*
- *Neumann, J. (2016). *A professor's guide to writing essays: The no-nonsense plan for better writing*. 2nd Edition. Jacob Neumann*
- *Kraŋ <https://fresh-essay.com/descriptive-essays>*

NWOLCHETOPO

1. *Blanton, L.L. (2021). *Composition Practice*. Henle ELT*
2. *Starkey, L. (2004). *How to write great essays*. New York: Learning Express*
3. *Kane, S. T. (2000). *The oxford essential guide to writing*. Berkeley Publishing Books*
4. *Zemach, E. D. & Rumisek, L. A. (2009). *Academic writing. From paragraph to essay*. Macmillian*
5. *Blanton, L.L. (2021). *Composition Practice*. Henle ELT*
6. *DeJoy, N.C. (2021). *Undergraduate writing in Composition Studies*. Utah State University*
7. *Howlett, M. (2023). *The creative phrase book for descriptive and narrative essay writing: A must-have reference for students to write A+ essays*. Vol 1*
8. *Kindle Edition.*
9. *Zemach, E. D. & Rumisek, L. A. (2009). *Academic writing. From paragraph to essay*. Macmillian.*

ACKNOWLEDGEMENTS



Ghana Education Service (GES)

